



Årsmelding 2020

Rådet for menneske med nedsett funksjonsevne

OM RAPPORTEN

Ansvarleg eining/avdeling: Rådet for menneske med nedsett funksjonsevne

Kontaktinformasjon/e-post:

Dato/ev. versjonsnr: 1

Samansetjing av rådet

Rådet for menneske med nedsett funksjonsevne vert valde for den kommunale valperioden. For valperioden 2019-2023 har rådet slik samansetjing:

Leiar: **Inge Øystein Aareskjold Fiskvik**, FFO
Varamedlem: **Kjell Søvik**, FFO

Nestleiar: **Trude Brosvik**, Krf
Varamedlem: **Ingeborg Lohne Hordvik**, R

Medlem: **Sigrid Rønneberg**, SAFO
Varamedlem: **Ida Carlsen Eide Aabrek**, SAFO

Medlem: **Bente Borghild Underthun**, SAFO
Varamedlem: **Eirik Dahl**, SAFO

Medlem: **Egil Bru Overaa**, FFO
Varamedlem: **Anfinn Hammer Feng**, FFO

Medlem: **Anita H. Æsøy**, FFO
Varamedlem: **Britt Maret Sunde**, FFO

Medlem: **Kjell Gitton Håland**, A
Varamedlem: **Larisa Hollund**, A

Medlem: **Gunnar Moland**, H
Varamedlem: **Ann-Christine Mikkelsen**, Pp

Medlem: **Gunn Åmdal Mongstad**, Sp
Varamedlem: **Sigurd Erlend Reksnes**, Sp

Rådet for menneske med nedsett funksjonsevne har hatt møtesekretær/sakshandsamar/rådgjevar frå politisk sekretariat i fylkeskommunen. Dagmar Reutz Hillestad var sekretær for rådet i 2020. Merethe Helland Nordnæs og Lotte Lynngård var òg sekretærar mot slutten av året.

Reglement for rådet for menneske med nedsett funksjonsevne

Rådet for menneske med nedsett funksjonsevne skal ha ei rådgjevande rolle i den fylkeskommunale verksemda og skal ha rett til å uttale seg i saker som gjeld personar med funksjonsnedsetting.

1. Samansetjing

Rådet skal ha ni medlemmer oppnemnde av fylkestinget. Fire av medlemene skal vere fylkestingrepresentantar og fem medlemmer vert valde etter forslag frå organisasjonar som representerer menneske med nedsett funksjonsevne.

Rådet for menneske med nedsett funksjonsevne peikar sjølv ut leiar og nestleiar, som skal veljast ut mellom medlemene. Val av leiar og nestleiar skal skje ved fleirtalsval.

Rådet for menneske med nedsett funksjonsevne er oppretta den fylkeskommunale valperioden.

2. Oppgåver

a. Rådet for menneske med nedsett funksjonsevne kan innanfor sitt arbeidsområde:

- Gi uttale til forslag til økonomiplan og årsbudsjett
- Gi uttale til regionale planar som angår menneske med nedsett funksjonsevne
- Gi uttale til saker som andre fylkeskommunale organ legg fram
- Gi råd i alle saker som gjeld levevilkår for menneske med nedsett funksjonsevne
- Arbeide for å utvikle eigen organisasjon og verksemd

Rådet for menneske med nedsett funksjonsevne kan på eige initiativ ta opp saker som er relatert til fylkeskommunal verksemd.

Årsmelding frå rådet for menneske med nedsett funksjonsevne vert lagt fram for fylkestinget innan 1. juli kvart år.

Rådet for menneske med nedsett funksjonsevne skal ikkje behandle saker som gjeld enkeltpersonar.

b. Saker der rådet har avgjerdsmynde

- Saker som gjeld eige organisasjon, til dømes budsjett.

c. Saker der rådet gjev råd

- Saker til fylkeskommunal verksemd med verknad for menneske med nedsett funksjonsevne.

d. Fråsegner

- Rådet for menneske med nedsett funksjonsevne kan innanfor sitt arbeidsområde gje sjølvstendige fråsegner, både til fylkeskommunal organ og eksterne organ.

3. Arbeidsform

Rådet for menneske med nedsett funksjonsevne skal ha minst seks møter kvart år og elles etter behov.

Vestland fylkeskommune sitt ansvar er å:

- Leggje fram saker som angår menneske med nedsett funksjonsevne på eit så tidleg tidspunkt at rådet si uttale kan ha moglegheit til å påverke utfallet av saka.
- Auke kompetansen til medverknadsorgana i samband med administrative og politiske prosessar.
- Syte for eit tilfredsstillande sekretariat slik det kjem fram av kommunelova § 5-12 og forskrift knytt til denne.

4. Saksbehandling

For rådet for menneske med nedsett funksjonsevne gjeld reglementet for saksbehandling så langt det passar.

Årsmelding 2020

Nytt fylke- nye folk

2020 er første driftsåret for Vestland fylke, og det er spanande når to organisasjonar skal bli eitt. Slik også når ein slår saman dei to råda for menneske med nedsett funksjonsevne. Det har vore brukt tid på å bli kjende med kvarandre, med ulike utfordringar i det nye fylket, og med dei geografiske skilnadane. Pandemien har gitt utfordringar, og tre av seks møter har vore digitale, eitt møte vart avlyst. Dei tre fysiske møta har vore i Bergen, Førde og Leikanger.

Rådet for menneske med nedsett funksjonsevne hadde i 2020 eit budsjett på kr. 515.000.

Opplæringa av rådet, og dei kommunale råda, kom seint i gang fordi folk ikkje kunne samlast. Det vart tatt grep for digital opplæring for Eldreråda og RMNF, saman med FFO. Gjennom to digitale møtedagar på hausten var rundt 400 rådsmedlemmer frå 36 kommunar samla til opplæring. Dette var nybrottsarbeid, og fungerte godt. Faktisk fekk endå fleire delta på opplæringa når det vart gjort på denne måten, og dei kommunale råda sat samla i sin kommune.

<https://www.vestlandfylke.no/nyheitsarkiv/2020/nybrottsarbeid-for-fylkeskommunale-rad/>

Saker

Rådet har behandla 26 politiske saker og 43 referatsaker i 2020. På kvart møte har det vore orienteringar frå aktuelle organisasjonar og tenestemråde i fylkeskommunen.

Det har vore ei utfordring å finne gode rutinar for korleis rådet blir involvert tidsnok i alle politiske saker som ein skal og bør uttale seg om. Vi opplever at det vert arbeidd for å betre situasjonen, særleg for medverknad i diverse planprosessar.

RMNF dekker eit svært stort spekter av befolkninga, både i alder og med ulike grader av funksjonsnedsettingar. Lovkrav om universell utforming og tilrettelegging er svært viktig for å få til dei gode løysingane. Ofte må politisk skjøn til slutt avgjere kor langt ein kjem i tilrettelegging, enten det gjeld tilrettelagt transport, avveging mellom ulike interesser for bruk av fortausareal eller tilgjenge til bygg og aktivitetar. RMNF si oppgåve er å peike på behov, foreslå løysingar og medverke til at innbyggjarar med nedsett funksjonsevne blir høyrd inn i dei demokratiske prosessane.

Viktige saker som har vore arbeidd med i 2020:

- Kollektiv-tilbod; her under TT-tilbod og arbeidsreiser, samordning av TT-regelverket, Sørvislinje, einerettar for drosje, annonsering av haldeplassar, ombordtillegg mm.
- Bygg: Stord og Askøy vgs, Vite Meir i Sogndal
- Inntak til vgs, og presisering av at alle elevar skal ha like rettar
- Handlingsplan for universell utforming
- Budsjett

